

畿輔通志

十九二十

陽明文庫圖書  
七號  
共二冊  
學習院圖書館

近衛  
5-86  
キ2





畿輔通志卷之第十九

名宦

近衛本

河間府

漢

龔

遂

字少卿山陽南平人宣帝時為渤海太守  
民有帶持刀劍者使賣劍買牛賣刀買犢  
曰何為帶牛佩犢春夏趨田秋冬課收歛益  
畜果實菱芡勞來循行郡中皆有蓄積吏民皆  
富實獄訟止息數

年拜為水衡都尉

陸

康

字季寧吳郡人舉茂才除高城令縣在邊  
陲舊制令戶一人具弓弩以備不虞長吏

新到輒發民繕修城郭康至皆罷遣  
百姓大悅以恩信為治寇盜亦息

袁

紹

字本初汝陽人靈帝末為渤海太守初平  
元年紹起渤海兵與從弟術及冀州牧韓

馥等八太守同討董卓紹為盟主

南北朝

元拔干 遼西公意烈之子明元踐祚除渤海太守吏人樂之

崔休 字惠盛武城人宣武初為渤海太守下車先戮豪猾數人姦盜屏息清身率下部內

安之時大儒張吾貴名盛山東弟子恒千餘人所在多不見容休招延禮接儒者稱之

李祥 字元善平棘人學傳家業鄉人宗之以淮陽太守遷河間太守有恩威之稱徵拜中

書侍郎千餘人上書乞留朝廷不從

裴植 字文遠聞喜人少覽經史為瀛州刺史徵武邑劉蘭講授州之南館生徒甚盛

唐

賈敦頤 曹州人太宗時為瀛州刺史州瀕滹沱澠水歲濫溢壞室廬浸洫數百里敦頤為立

堤障水不能暴百姓利之後遷冀州刺史并見真定名宦

薛大鼎 字重臣蒲州汾陰人為滄州刺史滄州無棣渠从淤塞大鼎浚治屬之海商賈流行

里民歌曰新溝通舟楫利屬滄海魚鹽至昔徒行今騁駟美哉薛公德滂被又疏長蘆衙漳二

渠泄淤潦水不為害永徽中遷銀青光祿大夫行荊州大都督長史

鄭德本 為瀛州刺史與滄州薛大鼎冀州賈敦頤皆有治名故河北稱鎬脚刺史

李乾祐 雍州長安人後流驩州召拜滄州刺史強幹有善政聲聞赫然徵為司刑太常伯

魚思賢 開元初令任丘開通利渠以洩陂淀入滏水得地一百餘頃百姓利之號其陂曰魚

陂君

穆寧 懷州河內人玄宗時以明經調鹽山尉安祿山反寧募兵檄州縣并力捍賊及聞真

卿拒祿山即遣真卿書夫子為衛君乎真卿喜署寧河北採訪大使

宋

魏羽

字垂天歙州人太平興國初知棣州六年受詔詣瀛州覆察軍市租得隱漏數萬計因上言本州錄參軍郭震十年未代河間令崔能前任即墨未滿歲遷秩有司調選失平疏遠何由聞達請罪典司以肅欺蔽上賜詔褒諭遷太常博士

李斌

青州人太平興國中以天武指揮使領莫州刺史累官洛州團練使勤於政理人服其清至道初徙滄州及代吏民不忍其去鄰境亦上其善狀詔書褒美之

劉用

相州人咸平中知瀛州復為高陽關副都部署時烽候數驚建議益邊兵俟其南侵即率驍銳出東路以牽制其勢因圖上地形上可其奏

高繼勳

真宗時知瀛州時歲饑募富人出粟以給貧者明年大稔木生連理者四

程戡

字勝之許州陽翟人少力學舉進士中科仁宗時知瀛州契丹使過稱疾求著帽見戡使謂曰有疾可無相見當如禮使者語屈冠而見四遷給事中至參知政事

唐介

字子方江陵人知莫州任丘縣當邊使往來道驛吏以誅索破家為苦介坐驛門令曰非法所應給一切勿與稍毀吾弁器者必執之皆帖服以去沿邊塘水歲溢害民田介築隄闡之民以為利累官

李昶

字清臣鄆州人以蔭知鹽山縣歲飢諭富室出粟平其直與民不能糴者給以糟糲所活數萬治平初累遷加集賢院學士知瀛州賜黃金百兩再遷樞密直學士神宗人知其才書姓名於殿柱以知永興軍不行卒年七十四

孫永

字曼叔世為陝人鄒試擢進士第知瀛州河決於貝瀛冀尤甚民租以災免者州縣懼常平法徵催如故永連章論上神宗從之仍令發廩粟以賑

張景憲

字正國河南人熙寧中知瀛州上言比歲不登民積逋欠今方小稔而官督使并償

道路流言其禍乃甚於凶歲願賜寬假  
帝從之仍下其事後以大中大夫卒

**李師中**

字誠之楚丘人年十五上封事舉進士熙  
寧中知舒州尋知瀛州師中志尚甚高在

官不貴威罰務以信服人至明而恕嘗乞召司  
馬光蘇軾等置左右又自稱薦曰天生微臣蓋

為聖世有臣如此陛下其舍諸呂惠卿別  
其語以為罔上遂貶和州遷右司郎中卒

**唐恪**

知滄州河決北犯城下恪乘城救理水去  
城得全及後諸縣租未報悉使宜罷行之

民大悅

**彭思永**

字季長廬陵人第進士知瀛州北俗以麻  
桑為產民懼賦不敢藝日益貧思永始奏

更之徙知江寧府  
召為御史中丞

**孫觀**

權知滄州有劫盜獄成觀疑之謂其僚屬  
曰我武人也獄辭非吾事試召其鄉里周

訪之皆云平居放縱不事事今以為盜  
則非也既三日果獲真盜降詔獎諭

金

**高揆**

歸州人為樂壽縣尹時百姓流移揆招撫  
復業者不可勝計民亦慕義向風思為善

俗天會間改縣為壽州  
特陞揆知州以旌其能

**劉渙**

字德文中山人登天德元年進士調任丘  
尉縣令貪汙渙每規正之秩滿令持杯酒

謝曰尉廉慎使我獲考渙等調中都  
市令以正直聞官至遼東轉運使

**高守約**

字從簡遼陽人大定二十八年進士累官  
觀州刺史元兵徇地河朔郭邦獻已歸順

從至城下呼守約曰從簡當計全家室守約弗  
顧至再三守約勸聲曰吾不汝識也城破被執

使之跪守約不聽遂死贈  
崇義軍節度使謚忠敬

**李完**

為河間府治中習法律有治劇才在郡  
姦惡屏迹軍民無間語轉橫海節度使

元

**賈德** 字克仁景州人時河朔盜起為眾推服自

**野僊** 唐元人也為莫州達魯花赤篤實謙和孝

州守周知民間利害于時有獵人征索踰制凌

虐鄉民覈實申聞械克狡于市而痛繩之後涉

其境斂手莫敢犯民賴以安

**焦德用** 大德六年為肅寧縣尹正身勵節民有訟

即日論決故吏不能欺至於與學

**呂思誠** 天曆初移縣尹清勤無私臨事明決均徭

者賞以農器否則有罰境

**祁仲鑑** 字彥明趙州人為任丘尹下車首訪英賢

秩滿民為立去思碑

力於獻軼風俗丕變

**韓善** 安州人至正間為河間尹政教畢舉凡民

而彰瘕之由是豪猾斂手莫敢犯法又於束城

鎮重建夫子廟以興學禮士蒞政三載始終一

明

**朱逢吉** 嘉興人洪武初年知寧津縣始建縣治於

化興學布教有古循吏風所著牧民心

**向朴** 慈谿人洪武末年知

**王林** 永樂初年知青縣以河決禾稼盡沒痛不

遂於隄上置祠祀焉名曰神隄

吳原 永豐人舉人永樂十四年知吳橋縣重修

詣行在乞留得請  
復任清操益勤

劉溪 臨汾縣人舉人永樂十八年知景州公廉

之三滿三留治景三十餘年加至參議景多水  
患開惠民渠洩之今漸淤救民善政有資

李讓 鄆陵人天順中知河間縣數年之間野無

暇且承人做之餘捕治巨猾數十輩及請老歸  
貧無資斧挽留者千餘人相率出錢布以贖之

一無所

宋漢 字天章膠州人成化十五年知慶雲縣首

義按丁定役貧富乃均辛丑春饑勅遣廷臣賑  
貸饑民分爲三等計日給放民沽實惠夏不雨  
奏免夏稅十之七秋雨傷稼又奏免秋糧十之  
五冬寇有警上官徵諸邑各發民兵會操慶雲

當發百五十人漢言邑當衝要賊易出沒宜存  
本境操肄以係人心上嘉之遂嚴申禁令明

示威信崔苻屏息在任五年獄平  
公簡流民聞而復業者難以數計

張鐸 全椒人鹽生成化間知吳橋縣禁革宿弊

善政最著

段釗 灑池縣人弘治中爲河間府通判時軍民

至悉按以法會計稱平屬邑與濟縣爲昭聖皇  
太后后故里敕廷臣中使營宮於故居俱億鉅萬  
釗綜理有要長貳忌其能中傷之

李琪 字敬之濟源人舉人正德六年知南皮縣

城悉陷及至南皮圍城三日肅靜固守捍禦甚  
備已而射中渠魁賊遂遁去初正德中人心思  
亂賊所至皆有內應琪洞燭其奸預拘無籍  
輩假他事收禁之故城賴以全陞晉府審理

**張奇** 光州人舉人正德六年知滄州甫下車因盜賊縱橫以修繕城池為急務暇則操練兵馬未幾劉六劉七果率賊數萬攻圍七晝夜奇竭力堅守賊宵遁百姓悉賴保存加四品職仍營州事

**莊釋** 號鶴溪武進縣人進士正德間知河間府清投獻釋滯獄強懾盜賊廢舉弊釐等陞

山東參政仍掌府事時逆瑾薰灼釋三疏乞休瑾怒謫順慶府等罷歸

**時尚儒** 臨清人舉人嘉靖五年知鹽山縣蒞政精敏有廉節增修社學崇尚文教邑無志自

尚儒 始

**馮輜** 號南津武進人舉人嘉靖四十一年知南皮縣疆項不阿軫恤獨切事關利害挺身

任之乃以昭雪冤忤上官意呈彈章去之日百姓號涕攀轅臥轍不得發

**侯服周** 單縣人隆慶五年知東光縣心軫民瘼力行撫字舊額食鹽五百引申請當道宜罷

征收民困以甦遷通判去士民流涕焉

**狄良幹** 汝陽人舉人萬曆八年知吳橋縣剛方廉介鋤強梗扶善良建社學九處立義倉十

所教養兼舉德威并用

**王之冢** 朝邑人字心一萬曆三十九年知慶雲縣教士如嚴師愛民如慈母邑為九河下流

水患積歲宋令民挑濬疏導入河始不為霖雨所苦田地荒蕪民不能耕捐資買牛分給無力

者遂肅清胥蠹剔釐宿弊寓撫字於於催科吏畏民懷邑人立祠祀之

**佟卜年** 遼陽人進士萬曆四十七年知河間縣節用愛人政體要除門則俵馬大戶三大害

闔屬始獲安枕民至今每食必祝

**張志芳** 陽城縣人舉人天啟三年知景州崇儉愛民嘗接漕院過舟落水更衣通體皆布薦

為天下第一陞餉道

白慧元

清澗人進士崇禎八年知任丘縣解任未及去適遭戊寅之變夫婦殉難贈副使賜祭葬廕一子入監

顏胤紹

山東曲阜人號賡明復聖六十五代孫崇禎時進士知河間府時寇盜充斥連遭荒歉餓殍流離載道兼軍與旁午艱難萬狀紹悉心撫字勤恤瘡痍甫任數月會敵至孤城援絕度不能支乃預集一家老穉環聚室中積薪圍繞而身則晝夜登陴力策戰守無何城陷紹再拜曰臣力竭矣今以死報國遂入同死

余尚春

渠縣人進士崇禎十二年知吳橋縣當殘破之後寬恤子遺嚴飭胥役一年振刷百廢俱興創建磚城四旬竣役百世之利

楊毓楫

舉人崇禎十三年知景州庚辰辛巳大饑人相食煮粥救人許奸弭盜民賴安集十五年編審除故丁三萬餘民困得蘇陞濟寧道

周命世

蘄水人進士知任丘縣廉謹仁愛惠政百端崇禎辛巳大饑請免本年租賦上司屢檄督催卒抗不征土寇亂總兵虎大威統兵來勦掠民婦女命世見大威掩回大哭以死爭之得盡放釋還賊黨亦多良民迫脇為之者以命世力全活無筭

胡啟睿

江南海州人拔貢知靜海縣立社課士剔弊釐奸舊有逃馬私派銀二百餘兩申請革之士民感戴

常在

榆社縣人進士知河間府時兵燹之餘且值歲歉民不聊生在發粟賑恤遣吏四出作糜粥以給老稚之不能行者遺孤滿路令收養者人給千錢存活者數萬人以憂去任民泣送者數千人

國朝

張必科

蓋州人恩貢順治四年知慶雲縣下車兩閱月宿弊盡革民荷更生定鼎之初時有

寇警每遇寇至卽鼓聚步騎親出逐之會巨寇  
猝集勵衆據守箭無虛發苦乏外援忽弦斷手  
傷擲其弓曰命矣當等一死所也挺戈下城賊  
環圖之亦不敢逼至一書齋舉火自焚事平贈  
事僉

真定府

漢

任

光

南陽宛人更始至洛陽以光爲信都太守  
及王郎起郡國皆降之光獨與李忠萬修  
厲兵固守廷掾持王郎檄詣府白光斬之以  
徇光武自薊還聞信都獨爲漢守卽馳赴之光  
開門迎謁拜左大將軍封武成侯留南陽宗廣  
領信都太守事使光將兵從光乃多作檄文吏  
民得檄傳相告語旬日之  
間兵衆大盛後圖像雲臺

李

忠

黃人與任光同迎光武拜右大將軍王郎  
破信都收太守宗廣及忠母妻更始遣將

復拔信都忠家屬得全光武因使忠  
還行太守事多惠政後封中水侯

鄧

晨

新野人更始北都洛陽以晨爲常山太守  
會王郎反光武自薊走信都晨亦間行會  
于鉅鹿下自請從擊邯鄲光武曰備鄉以一身  
從我不如以一郡爲我北道主人乃遣晨歸郡  
光武追銅馬高胡郡賊于冀州晨發善射十千  
人又遣委輸給軍不絕光武卽位封房子侯建  
武四年從幸壽春留鎮九江晨樂郡職由是  
復拜爲中山太守吏民稱之治爲冀州高第

馬

成

棘陽人建武十四年屯常山中山以備北  
邊繕治障塞自西河至渭橋太原至井陘  
中山至鄴皆築堡壁起烽燧十里一燧蒞事六  
年以勤勞徵還京師邊人多上書求請者復遣  
成還屯及南單于款塞北方無事拜爲中山  
太守上將軍印綬領屯兵如故後圖像雲臺

馮

衍

杜陵人幼有奇才博通群書王莽時多薦  
劇寇日食陳八  
事多所建白

伏 恭 東武人建武初除劇令以公廉聞遷常山太守敦修學校教授不輟由是北州多為

伏氏學後帝幸太學拜為司空

蔡 湛 修武人靈帝光和二年為藁城令有惠政立碑以頌其德其碑刻歐陽公收入金石

錄

三國

邢 顥 河間鄭人舉孝廉時人稱之曰德行堂堂邢子昂除行唐令勸民農桑風化大行德

名宦及人物并見

司馬朗 河內温人魏武帝時除堂陽長其治務寬惠不行鞭撻而民不犯禁先時民有徙充

都內者後縣調當作船徙民恐其不辦乃率私還助之其見愛如此

南北朝

張 恂 上谷人魏太祖始初以中書侍郎出守廣平季守常山建學校優儒士吏民歌咏

之於時喪亂之後罕能克厲惟恂當官壽白仁恕其治為當時第一太祖聞而嘉歎太宗即位

賜絹三百匹徵拜太中大夫卒之日家無餘財謚曰宣

高 忱 渤海人魏高宗時除忱長樂太守為政寬惠民庶安之

路去病 陽平人北齊神武開府勅用土人為縣宰以去病為定州饒陽令嚴毅廉平吏民歎

服後移成安歷鄴令凡三縣治術為河北首稱

竇 瑗 遼陽人魏天平中除中山太守持守清白為吏民所懷及齊獻武王班書州郡誠約

守令常稱瑗政績以為勸厲後遷平州刺史卒謚曰明

唐

薛 獻 太宗貞觀初為定州刺史入覲太宗詔升殿親問之曰卿等在州何以敷教獻對曰

老者國家所養臣每存恤之少者國家所使臣每勸戒之荒田漸闢生產漸盛禮義漸興此皆聖化所被非臣之力帝曰如公所奏足稱循良朕所望于公等者固如此耳

**賈敦頤** 曹州人太宗貞觀時歷冀州刺史天性廉潔入朝行車一乘敝甚羸馬繩羈道上不知其刺史也

**李興公** 不知何地人太宗貞觀十一年任冀州刺史振舉廢墜尤重水利嘗開葛榮陂引趙昭渠水以注之民受其利

**李元軌** 太宗子封霍王高宗永徽初出為定州刺史所至閉閣讀書以吏事委長史司馬謙慎未嘗與物忤突厥寇定州元軌令開城門偃其幟寇疑不敢入夜遁州人季嘉運潛結賊詔窮誅支黨元軌以寇近且強人心危但殺嘉運餘無所詰因自劾帝喜曰朕固悔之非王之明幾失定州矣王文操者與賊戰敗二子鳳賢更以身救父得全二子死縣抑不為言元軌廉知

之遣使弔祭上其事詔贈鳳賢朝散大夫旌表其閭嘗遣國令督封租令請貿易取贏答曰汝當正吾失反導吾以利耶不納及還京民追思之

**李懷仁** 狄道人高宗永徽間以宗室子弟授朝議郎行總陶縣令為政先學校急耕桑界內有麥秀八岐之瑞

**賈敦實** 敦頤弟高宗時為饒陽令政清靜吏民嘉美舊大功之嫌不連官朝廷以其兄弟治行相高故不徙以示寵

**羊元珪** 任衛水令留心民瘼引漳水北流貫城注隍民受其惠去後思之名為羊令渠

**韋景駿** 萬年人申宗神龍中歷肥鄉令後數年為趙州長史道出肥鄉民喜爭奉酒食迎犒有小兒亦在中景駿曰方兒曹未生而吾去邑非有舊恩何故來對曰耆老為我言學廬館舍橋郭皆公所治意公為古人今幸親見所以來景駿為留及州興學校罷淫祠甚有聲譽

裴子餘 魏山人六世祖叔業為後魏冀州刺史父

王府長史卒謚曰孝三世有惠政冀人皆思之

鄭放 不知何地人立宗痛民疾苦自擇刺史十

刺史詔宰相諸王以上祖於洛濱放至官以治最開

顏杲卿 臨沂人天寶中守常山會安祿山反杲卿

及長史袁履謙謁于道賜杲卿紫袍履謙

緋袍杲卿指所賜衣謂履謙曰與公何為著此

履謙悟乃與真定令賈漢內丘令張通幽等定

謀討賊時真卿在平原素聞賊逆謀陰養死士

為拒守計遣甥盧逖至常山約起兵於是趙鉅

鹿廣平河間並斬偽刺史傳首常山而樂安博

陵上谷文安信都魏鄴諸郡皆集杲卿兄弟兵

大振祿山至陝聞兵與大懼使史思明等率平

盧兵渡河攻常山杲卿晝夜戰糧竭矢盡六日

而陷與履謙同執賊脅使降不應取少子季明

加刃頸上曰降我當活而于杲卿不答遂并處

逃殺之杲卿至洛陽祿山怒曰吾擢爾太守何

所負而反杲卿瞋目罵曰汝營州牧奴耳竊荷

恩寵天子負汝何事而乃反乎我世唐臣守忠

義恨不斬汝以謝上乃從爾反耶祿山不勝忿

程處默 不詳何地人肅宗上元間為寧晉縣令以

經十餘里地用豐潤民食乃甘

康日知 靈州人少事李惟岳累擢趙州刺史惟岳

盟誓不從賊惟岳怒遣先鋒王武俊攻之日知

使客謝武俊曰賊辱甚安足共安危哉吾城固

士和未可卒下且賊所恃者田悅耳悅兵血饑

邢壕不能殘半堞况吾城之完乎又給為使者

齋詔諭武俊武俊觀察使會武俊復勒兵拒命遣

後補名宦志

卷之九十九

三

王翊 京兆新豐人憲宗元和四年為元氏令勸民力田家給人足粟斗五錢

宋

呂端 幽州人太祖時通判定州清介雅重吏民咸服後入相太宗識大體時稱賢相

裴濟 聞喜人太平興國末盜起命為巡檢次鎮州夜有賊騎扣城門大呼曰官軍至矣州將然之促守吏開關濟遽止之曰此必妄也及旦果有敵兵遯去太宗嘉之遷西上閣門使定

州都監至道二年改內客省使知鎮州在鎮定凡十五年威績甚著

李允則 并州人天禧二年知鎮州處事精密吏民悅服

龐籍 單州人進士第相仁宗出知定州為人清介高古至則撫綏軍民又激勸弓箭社

定其約束肅然不敢犯尋請老或謂籍曰君精力克壯少年所不及况主上眷顧方殷何遮爾

若是籍曰知止不辱知足不殆必待筋力不支明主見棄豈知止足之謂耶上表凡九手疏凡

二十有餘朝廷終莫之奪以太子太保致仕卒謚壯敏

吳中復 興國永興人熙寧初以龍圖閣學士知真定府事河北行青苗法使者至將先下州

縣中復檄之曰歛散自有期今先事擾之何也拒不聽且報安撫司韓琦方疏諫青苗錄其語

上聞時多直之

王素 莘縣人仁宗時知定州政術寬大事不使于民每亟改之吏民愛悅終端明殿學士

王鼎 館陶人舉進士第仁宗慶曆中除知澧州王則以貝州反淡卒龐旦與其徒謀以元

日殺軍校劫庫兵應之前一日有告者鼎夜出檄遣軍校攝事外邑而陰為之備翌日會僚吏

置酒如常叛黨愕不敢動鼎刺得實徐捕首謀十八人送獄獄具俟轉運使至審決未至軍中

恂恂謀劫囚鼎因謂僚吏曰吾不以累諸君獨命取囚桀驁者數人斬于市眾皆失色一郡帖

然

張 旨 懷州人初徙安平縣尉捕盜三百餘人嘗與賊戰流矢中臂不顧猶殺數十人後知

安平縣大飢勸富民輸粟以稔饑者又浚渾河世支流溉田數萬頃外築堤以備水患

田照隣 慶曆中由進士知元氏崇學校修孔子廟完祭器越二年遷著作郎真定守請復任

詔從之恩惠浹洽境內大治

劉 摯 東光人嘉祐中擢科甲歷南宮縣令俗化凋敝賦甚重輸絹一疋折錢五百綿一兩

折錢三十民多破產摯援例請減以中價轉運使怒將劾之摯遂奏于朝三司使包拯奏從其

議自是絹錢二百綿十有六民歡呼泣下曰劉長官活我累官僕射謚忠肅

李 冲 不知何地人嘉祐中知信都有善政與南宮令劉摯清河令黃萃皆以治行聞于時

稱為河

魯有開 亳州人神宗時知冀州時河決而水不至城下數里有開議增築城隍人謂無水何

勞役為有開曰豫備不虞古之善計也卒成之明年水至以有備遂無患朝廷遣使河北民遮

頌有開功狀召為膳部郎中

孫長卿 揚州人知定州熙寧初河北地夫震城郭倉使皆壞長卿盡力繕補災不及民性廉

潔不以一毫取諸人定州當得園利八十萬悉歸之公既没詔中使護其喪歸葬人稱為廉吏

云

薛 向 萬全人熙寧四年加樞密直學士給事中知定州其政多惠愛以新河源之水久為

民患乃遍視其地擇可灌溉者疏為民田自是患息而利興民感其德立石以紀之

竇 卞 曹州冤句人熙寧時出知濮州滹沱河決水及城下地大震流民自冀至者踵相接

卞發常平粟食之吏曰擅發且獲罪卞曰候請而得報民死矣吾寧以一身活數萬人尋以請

詔許之外間訛言大水至卞下令敢言者斬一日復報大水至吏請閉門卞不可既而果妄時

發六州卒築武強城卒情主者答之不服卞曰  
驕兵犯將法不至重然興役聚工不可拘以常  
法命斬之以  
聞詔褒獎之

**孫固** 管城人神宗熙寧中以議新法不合加龍  
圖閣直學士知真定府遼人盜耕界地歲

且久吏爭弗能還固得其要  
領折服之正疆地二百里

**滕元發** 東陽人舉進士神宗時以議事不合出知  
定州歲早求言疏新法害民者上之不聽

後徙知真定境內凜然威  
行西北終龍圖閣學士

**王巖叟** 大名清平人初舉鄉試與省試廷對皆第  
一調樂城簿神宗時知定州安喜縣有法

吏導人為訟巖叟捕撻于市眾皆竦然安撫使  
呂公著歎曰此古良吏也

有詔近臣舉御史舉  
者意屬巖叟而未及識或謂可以往見巖叟笑  
曰是呈身御史也卒不見後用劉摯薦為監察

御史官  
至僉樞

**黃寔** 陳州人登進士元豐中知定州朝旨籍民  
兵旁郡因緣擾民寔懷檄不下條利害請

之事得寢民德  
之後卒于官

**范澄** 元豐八年任獲鹿令政敦誠實  
不務粉飾事神恤民民獲其德

**蘇軾** 眉州人哲宗時以學士出知定州時軍政  
廢弛營舍頽壞軾奏疏以聞乃修營房禁

戲傳勒戰陣眾畏服之及春大閱事皆遵舊典  
副總管王光祖自謂老將不至軾劾其罪訖事

無慢者其子過判定州亦  
有聲譽人以爲世德云

**劉奉世** 臨江人紹聖初用二內侍爲押班奉世極  
議不可忤旨又章惇當國乞免遂以端明

殿學士出知成德軍攻定州未幾邢恕構誣貶  
隰州徽宗立復知定州奉世優于吏治尚安靜

民甚  
宜之

**韓忠彥** 琦子紹聖三年以觀文殿學士知真定府  
移定州定人望而喜曰吾資政子也必使

我曹得所矣至則推行艾法  
視民如傷後遷尚書左僕射

侯蒙

高密人徽宗時知栢鄉轉運使黃湜聞其  
名推轂之召詣行臺白事蒙以越境不肯

往湜怒他日行縣閱理文書欲致其罪既而無  
疵可指始以賓禮見曰君真能吏也率諸使者  
合薦之後為中書侍郎卒謚文穆

晁說之

崇寧初知無極縣有惠政初建縣治名其  
堂曰問山至金大定中永安馮翼為邑令

作問山堂記  
刻石于壁

管師仁

龍泉人中進士第徽宗大觀中徙知定州  
遼使至為西人請侵疆朝廷詔師仁設備

至則下令增陴浚湟繕葺甲冑僚吏懼不知所  
裁師仁預為計度一日而舉迄成外間無知者  
於是日與賓燕樂以示間  
暇使敵不疑帝手書詔獎

李彌遜

吳縣人登進士徽宗宣和末年知冀州金  
人犯河朔諸郡皆警備彌遜捐金帛致勇

士修城堞決河護塹邀擊其遊騎斬  
首甚眾兀術北還戒師毋犯其城

劉幹

崇安人第進士靖康元年徙知真定府河  
北盜起首賊柴宏本富室不堪征斂聚眾

剽掠殺巡尉統制官亦戰死幹單騎赴鎮遣招  
之宏至服罪幹飲之酒奏以官縱其黨還田里  
一路遂平金人已謀南牧朝廷方從之求雲中

地幹探得實急以聞且陰治城守以待變是冬  
金兵抵城下知有備留兵其旁長驅內嚮及還  
治梯衝示欲攻擊幹發強弩射之金人知不可  
脅乃退自金兵之來諸郡皆塞門民坐困幹獨  
縱樵牧如平日以時啟閉欽宗善之拜資政殿

學士後遣使金營不  
屈自縊死謚曰忠

金

趙叶

儀封人大定初任贊皇令戴星理事憂公  
如家境內民饑屢以俸粟分救之數年逋

逃歸業者五百餘戶旦暮勸諭東作歲大熟山  
地礦瘠俗不堪麥率民乘秋雨相地之宜播種